

ENG ULUG', ENG AZIZ AYYOM MUBORAK!



Vatan yagonadir,
Vatan bittadir!

www.tongyulduzi.uz

2011-yil
29-avgust
N:35
(66836)

ISSN – 2010-6092

HURLIK TIMSOLI

Qutlug' ayyom arafasida o'g'lim Nurislom, nevaralarim Jaloliddin, Jamoliddin, Kamoliddinlar bilan Mustaqillik maydoniga bordik. Bolalarga bu maydonning o'tmishi haqida qisqacha so'zlab berdim. So'ngra, ularni Vatanimizning bosh maydoni bilan tanishtira boshladim:

– Maydonga kiraverishdagi favvoralariga tutash go'zal darvoza «Ezgulik arkasi» deb ataladi. Arka tepasidagi parvozga shaylanayotgan laylaklar go'yo ozodlik va hurlikdan shodlanib, Sizni kutib olmoqda. Ular tinchlik, hurlik, jipslik timsoli. Bu ramziy timsol mamlakat, xalqimiz tinch, osoyishta yashayotganligini bildiradi. Yurtboshimiz aytganlaridek, bu ezgulik qushlari, insho'lloh, sharaflı ishlarimizga yor bo'lgay, el-yurtimizga fayz-farog'at keltirgay.

Bolalarni yetaklab, ko'm-ko'k archazorlar oralab maydonning yuqorisiga qarab yo'l oldik. Qarshimizda ulkan Mustaqillik monumenti qad rostlab turardi. Yodgorlik poyidagi Vatanimiz, mustaqil ona diyorimiz ramzi – ona-bola siymosi aks ettirilgan haykal bolalar e'tiborini tortdi.

– Chindan ham go'zal va chuqur ma'noli haykal ekan, – dedi Nurislom.

– U haqda so'zlab bering, – deyishdi nevaralarim.

– Bu xalqimiz ozodligi, hurlik va erkimiz timsoli – Mustaqillik monumenti. Unga Yurtboshimiz takliflari bilan barpo etilgan «Baxtiyor ona» siymosi aks ettirilgan haykal yanada ulug'vorlik baxsh etgan. Uni taniqli haykaltarosh, O'zbekiston san'at arbobi Ilhom Jabborov yaratgan. «Mustaqillik va ezgulik monumenti» deb nomlanuvchi majmua xalqimizning eng e'zozli yodgorligi.

Bolalar gulchambarlar bilan bezangan yodgorlik poyiga o'zlari olib kelgan gullarni qo'yishdi. Atrofni aylanib, zavqlanib tomosha qilishdi. Esdalik uchun suratga tushishdi.

Ularga yodgorlikning o'ng tomonidagi oppoq, go'zal koshona haqida ham so'zlab berdim:

– Bu hashamatli binoda joylashgan O'zbekiston Respublikasi Oliy Majlisi Senatida mamlakatimiz ijtimoiy-siyosiy, iqtisodiy hayotiga oid muhim qonunlar, qarorlar qabul qilinadi. Bu yerda o'tgan yilning noyabr oyida Prezidentimiz Islom Karimov «Mamlakatimizda demokratik islohotlarni yanada chuqurlashtirish va fuqarolik jamiyatini rivojlantirish konsepsiyasi» to'g'risida ma'ruza qildilar. Unda buyuk kelajak va nurlı istiqbol sari intilayotgan ona yurtimiz O'zbekistonning porloq yo'li yana bir karra aks ettirib berildi.

(Davomi 2 betda)

(Boshi 1- betda)

Maydon ichra salobatli yastanib turgan O'zbekiston Respublikasi Vazirlar Mahkamasi binosi ham mamlakatimiz, xalqimiz hayotining bosh mayoqlaridan biri sanaladi.

Ularni tomosha qilishgach, bolalarni maydonning quyi qismiga boshladim. Bu yerda muqaddas ziyoratgoh – «Xotira maydoni» joylashgan. «Motamsaro ona» haykali bolalar nigohini o'ziga tortdi.

– Bu haykal ayvondagi qimmatbaho metall zarvaraqlarga nomlari bitilgan Ikkinchi jahon urushida halok bo'lgan 500 mingga yaqin shahidlar sharafiga o'rnatilgan.

Bolalarga kitoblarda o'qigan, kinolarda ko'rgan urushning bosh sababchisi bo'lgan fashizmning yovuz niyatlari, kirdikorlari haqida gapirib berdim.

– Endi hech ham urush bo'lmasin, ota, – deyishdi ular og'ir xo'rsinib.

Mustaqillik maydoniga yaqin joyda ko'zga tashlanib turgan yangi muhtasham bino haqida ham so'rab qolishdi.



– Bu go'zal koshona Alisher Navoiy nomidagi respublika kutubxonasining yangi binosi, – dedim men ham hayratimni yashirolmay. – Bunday ulkan va barcha qulayliklarga ega bino, ma'naviyatga boy xazina nafaqat mamlakatimizda, balki O'rta Osiyoda ham mavjud emas. U o'zida 6,5 million nusxadagi kitoblarni saqlash imkoniyatiga ega. Barcha qulayliklarga ega 16 ta mutolaa zali mavjud. Bu ziyo

maskani istiqlol yillarida yaratilgan va Mustaqilligimizning 20 yilligiga munosib tuhfa bo'lgan eng qadri mo'jizalardan biridir.

So'ngra, ona Vatanimizda tinchlik va osoyishtalik bo'lishi uchun tinimsiz mehnat qilayotgan Yurtboshimizning sa'y-harakatlari haqida ham qisqacha so'zladim.

Shuningdek, yurtimizda amalga oshirilayotgan ulkan bunyodkorlik ishlari, ko'priklar, temiryo'llar, chet elnikidan qolishmaydigan samolyotlar, avtomashinalar, traktorlar, elektron texnikalar, yengil sanoat mahsulotlari haqida ham keng tushuncha berdim.

Bolalar tinch-osoyishta ona yurti – O'zbekistoni borligidan faxrlanib, g'ururlanib qo'yishdi.

Mustaqilligimizning 20 yilligi arafasidagi sayr-u sayohatimiz bolalar qalbida bir umrga muhrlanib qolsa, ajabmas.

Jabbor RAZZOQOV,

O'zbekistonda xizmat ko'rsatgan jurnalist

1. Biz Surxondaryoda bo'ldik.

2. Dovrug'li muzey.

3. Zarautsoy rasmlari necha yoshda?

4. Bayramda osh pishirgan opa.

5. Erka qizning so'zi.

Biz, bir guruh ijodkorlar, olim va jurnalistlar, Respublika

Ma'naviyat targ'ibot markazining

tavsiyasi bilan surxondaryolik

tengdoshlaring, ularning

murabbiylari, ota-onalari, mahalla

ahli, mutasaddi tashkilot vakillari

bilan uchrashib keldik. Bu

uchrashuvlar juda zavqli va

hayajonli o'tidiki, har bir yig'ilish,

suhbat va o'zaro muloqotlardan

olam-olam zavq oldik va

quvonchimizni sizlarga ham

ulashishni lozim topdik.

Surxondaryolik bolalar bilan suhbat-

lashar ekanmiz, gap aylanib kelib, ga-

zetaimiz xususida to'xtaganda, ularning

yuzyrlarida mamnunlik ifodalarni ko'rdik.

– Men gazetaning har bir sonini

o'qib boraman, – deydi o'zini to'rtinchi

sinf o'quvchisi Dilshod deb tanishtirgan

bolakay. – «O'quvchi yon daftariga»,

«Quvnoq tanaffus» sahifalarini, she'r va

hikoyalarni qiziqib o'qib boraman.

– Juda xursand ko'rinasan, Dil-

shodjon?

– Hammayoq juda go'zal, Must-

olimlar mustaqillik yillarida xalqimiz

erishgan yutuqlar, tariximizga bo'lgan

munosabatlar xususida ma'ruza qilishdi.

Biz tarixan madaniyatli, ilm-ma'rifatli,

ezgusevar xalq bo'lganmiz, ammo, aziz

bolalar, quruq so'z bilan birovni ishon-

tirish qiyin. Ana shunday paytlarda bizga

boy tariximiz yordamga keladi. Birgina

misol: muzeyda miloddan avvalgi IV asrda

yasalgan sopol vanna mavjud. Bundan

to'rt ming yil oldin-a, tasavvur qilasizmi?!

Qo'rg'onzo'l yodgorligi bo'lmish mazkur

vannaning topilishi juda katta shov-

shuvlarga sabab bo'ldi. Yoki Tillabuloq

yodgorligidan topilgan qadimiy muhr-

chi?! Mazkur muhr miloddan avvalgi

uchinchi ming yillik boshlarida yasalgan

ekan. Demak, o'sha qadim zamonlarda

ham ota-bobolar qonunga, odamiylikka,

ezgulikka rioya etishgan. Zarautsoy

yodgorliklari esa olamga mashhur.

Termizlik olimlar 200 dan ortiq mazkur

qoya rasmlarning yoshini o'n ming yildan

ortiq deb hisoblamogdalar. Bir narsaga

e'tibor bering: bundan o'n ming yil burun

maktab, ustoz ko'rmagan kishilar qanday

qilib bunday hayratlanarli rasmlarni

qoyalarda muhrlab qoldirishlari mumkin

edi?! Yoki bunisiga e'tibor bering: o'n

O'N MING YILLIK RASMLAR

merosxo'rlarimiz; shunday ekan, ulug'-

larning ishlarini ulug'ligicha davom

ettirish burchimizdir.

Bu yerda biz yoshlardan biri – Xolida

Muhammadiyeva bilan suhbatlashdik. U

2003-yildan buyon viloyatning «Sario-

siyo», «Bobotog' tongi», «Termiz oqsho-

mi» gazetalari muntazam qatnashib

turar ekan. «Istiqlol yillarida bunyod

etilgan muzey shahrimiz faxri hisoblanadi.

Naqadar ulug'vor, ko'rkam bino. Undagi

noyob asori-atiqalar meni doimo hayratga

soladi», deydi u g'urur bilan.

Sho'rchi tumani Madaniyat saroyida

o'tkazilgan uchrashuvda Ozoda Haki-

movva quyidagi qiziq voqeani gapirib berdi:

«1991-yilning 1-sentabr kuni edi,

bolalarga maktab bozori qilishga bordim.

Yo'lda tamaddi qilish uchun oshxonaga

kirganimda, yonimda o'tirgan ikki de-

qonning gaplari diqqatimni tortdi: «Xu-

doga shukri, shu kunga ham yetdik,

Mustaqillik bayrami muborak, oshna!»

deya o'rtog'ini tabrikladi biri. Ikkinchisi

esa:

–Yoz bo'yi g'o'zalarga suv taradik,

rejani uddalaylik, bayramga sovg'a

bo'lsin! – dedi.

Turib-turib bu gaplar menga ta'sir

qildi. Oliy ma'lumotli bo'lsam-u, men bu

kunni shunday o'tkazsam, qanday

bo'larkin, degan o'y bilan o'rnimdan

turib, qayta bozorga bordim-da, guruch,

sabzi xarid qilib, uyga keldim va osh

damlab, bolalarim bilan Mustaqillikni

bayram qildik!»

Zalda gulduros qarsaklar yangradi.

Ko'zlarda mehr, lablarda sevinch nurlari

jilo qildi. Qanday ajoyib, yurtparvar

zamonadoshlarimiz bor-a'?!

Sariosiyo tumanida barpo etilgan

«Yoshlar bog'i» haqida allaqachon butun

respublika eshitdi. Quyosh qizdirib



turganiga qaramay bu yerdagi bolalar va o'smirlar ko'pchilikni tashkil etadi. Arg'imchoqlar bir daqiqa tinmaydi. Olti gektardan ortiq maydonga ekilgan rang-barang gullar, manzarali daraxtlar ko'zni qamashtiradi. Bizga bolalar uchun tayyorlangan jonli burchakni ko'rsatishdi:

– Bu yer allaqachon yoshlarning sevimli maskaniga aylanib ulgurdi, kechqurun ishdan so'ng bog'imiz ota-onalar, yoshlar, bolalar va o'smirlar bilan to'lib-ketadi. Avvallari kelin-kuyovlar gul qo'yish uchun qo'shni tumanga borib kelishardi. Bog'imizda «Ona» haykali qad ko'targach, yoshlarimiz bu yerga qadam ranjida qilishmoqda.

Tuman pedagogika kollejida o'tkazilgan yig'ilishda tengdoshingiz Sayyora Mahmudova so'zga chiqib, xalq termalaridan aytib berdi. Bizga hamrohlik qilgan filologiya fanlari doktori, olim akangiz Jabbor Eshonqulov xalq orasidagi hali o'rganilmagan shunday termalarni to'plashda o'quvchilarimiz birinchilar qatorida yordam bermoqliklari lozimligini ta'kidladi.

Yangi avlodning qadamlari shaxdam, qarashlari jiddiy, eng muhimi, ularning suyanan tog'lari, hayotga ishonchlari-yu porloq kelajaklari bor. Vatan so'zi ularning tillarida nihoyatda nafis va ulug'vor jaranglaydi. Aziz ona Vatan! Sening yigirma yoshingni ko'rib turgan har bir farzanding O'zbekiston degan sharaflil, nomingni faxr bilan tilga olayotganini ko'rib, ko'ngillar shodlikka to'ladi. Bu yoshlar sening ishonching, sening qudrating, sening hur kelajagingdir. Navqiron yigirma yoshingda bunga o'zing ham guvoh bo'lib turibsan!

Bayram barchangizga muborak bo'lsin!

To'liqin HAYIT

Aziz o'quvchilar!
Barchangiz maktabni tamomlagach, oliygozlarga kirib o'qishni orzulasiz. O'z kasbining yetuk mutaxassisi bo'lib, kelajakda ulkan yutuqlarga erishish esa faqat a'lochi talabalarga nasib etishini ham bilasiz-a?

Siz yoshlarning puxta bilim olishingiz, iqtidor va salohiyatingizni to'la namoyon etishingiz uchun mamlakatimizda barcha sharoitlar yaratilgan. Yosh avlodni rag'batlantirishga ham katta e'tibor qaratilgan. O'zbekiston Respublikasi Prezidenti stipendiyasi, Alisher Navoiy, Ulug'bek, Ibn Sino nomidagi Davlat stipendiyalarini bunga yaqqol misol qilishimiz mumkin. Ana shunday imtiyozlarga javoban yoshlar ham o'z bilimlari, iqtidorlarini namoyon etib, ulkan natijalarga erishib kelmoqdalar.

Bugun e'tiboringizga yosh bo'lishiga qaramay, ulkan yutuqlarga erishib kelayotgan talabalar bilan suhbatimizni havola etmoqdamiz. Ular bosib o'tgan yo'llar, erishgan yutuqlari sizga ham ibrat bo'ladi, degan umiddamiz. Sahifamiz mehmonlariga quyidagi savollar bilan murojaat qildik:

1. Maktabda o'qigan vaqt-laringizdagi qiziqarli va yodda qolgan xotiralaringiz...
2. O'zbekiston Respublikasi Prezidenti stipendiyati bo'lishingizdagi dastlabki qadamlaringiz haqida nima deya olasiz?

Onam halim ayol edilar. Biror marta ovozlari ko'tarib gapirganlarini hech birimiz esolmaymiz. Yaxshi odatlari qatorida bittasini hammamiz juda yaxshi ko'radik. Ancha ilgari bo'lib o'tgan voqea haqida gapirganlarida, albatta, esimizda qolishi uchun yana biror qiziqroq hodisani qo'shib gapirardilar.

«O'sha yili qor qalin yoqqanidan uydan chiqolmay qolganmiz» yoki «O'shanda hovlimizdagi olma daraxti ko'p meva solganidan majnunoldek egilib qolgan edi» kabi iboralar bilan boyitilgan voqea bir umrga yodimizda muhrlanib qolardi.

Eslasang, ko'ngling yorishadigan xotiralar bo'lgani qanday yaxshi! Jajji qo'lchalari bilan ota-onasi, akapalarining qo'lidan mahkam ushlab olganicha ilk bor maktab tomon yo'l olgan bolajonlarni ko'rib, shu gaplar xayolimdan kechdi. Bugungi o'quvchilarning omadiga



A'zamjon MAHMUDOV
1984-yil 22-iyulda Toshkent shahrida tug'ilgan. Yunusobod tumanidagi Humoyun nomli 302-maktabni tamomlab, 1999-yilda Toshkent Davlat tibbiyot instituti qoshidagi tibbiyot litseyi, 2001-yilda esa mazkur oliygoh talabasi bo'lishga muvaffaq bo'lgan. O'zbekiston Respublikasi Prezidenti Davlat stipendiyati.

– Maktabda a'lo baholarga o'qish uchun chindanam ko'p dars tayyorlardim. Bu borada menga onam yordam berardilar. Ma'lum vaqtgacha ota-onamning nazoratlari ostida dars tayyorlaganman, keyinchalik ular ishdan kelishlarini kutmasdan uy vazifalarini mustaqil bajara boshlaganman. Oilamizda ajoyib haftaliklar o'tkazib turilar edi: bunga ko'ra eng ko'p «5» baho olgan farzand rag'batlantirilardi. Shuning uchun ham har kuni maktabdan kelganimda, uy vazifasini tezroq bajarib, ertangi kundagi mavzuni ham o'qib olardim. Tabiiyki, ertasi kuni sinfdoshlarim savollarga javob bera olmaganlarida, menda, albatta, javob bo'lar edi...

Darsdan keyin esa suv havzasiga suzishga borardim. Bu qiziqishim bora-bora kuchayib, 1-darajali suzish ustasi bo'lishimgacha olib kelgan.

Sinf rahbarimiz Malika opa Asadillayeva, ona tili va adabiyot fani o'qituvchimiz Atirgul opa, ingliz tili muallimimiz Sayyora Badalova o'z kasblarining haqiqiy fidoyisi edilar. Ular bergan bilimlar oliygohga imtihon topshirgan paytimda asqotgan. Magistratura o'qib yurgan kezlirim oynayi jahon orqali Prezident stipendiyati Furqat Samadov haqida ko'rsatuvni ko'rgandim. Unga havas qilib, men ham, albatta, Prezident stipendiyati bo'laman, deb oldimga maqsad qo'yganman. Astoydil intilib, maqsadimga erishdim...

ridagi 1-sonli litseyda o'qishni davom ettirganman. Bolaligimda esda qolarli qiziq xotiralarim mana shu qadrdon maskanda bo'lib o'tgan. 7-sinfidan «Kamalak» bolalar tashkiloti raisi, 8-sinfidan esa «Kamolot» YOIH raisi bo'lganman. O'sha vaqtlarda kuni kelib men ham Prezident stipendiyati bo'lishim xayolimga ham kelmagandi. Chunki bunday reja menda hech qachon bo'lmagandi. Universitetda o'qib yurgan kezlirim ilk kitobim chop etilgandi. Bu menga ilhom bag'ishlab, xayolimda birdan Prezident stipendiyasiga harakat qilish fikri uy-

PREZIDENT STIPENDIATLARI

ular bu nomga qanday sazovor bo'lganlar?

Shohruh G'ULOMOV

1988-yil 10-sentabrda Farg'ona viloyati, O'zbekiston tumanida dunyoga kelgan. O'qchi qishlog'idagi 58-umumta'lim maktabida boshlang'ich sinfni tugatgach, 4-sinf-dan Yaypan shahridagi 1-sonli litseyda o'qishni davom ettirgan. 2006-yilda Jahon iqtisodiyoti va diplomatiya universitetiga byudjet asosida o'qishga kirib, talabalik baxtiga muassar bo'ldi. 2010-yilda O'zbekiston Respublikasi Prezidenti Davlat stipendiyati bo'lgan. Hozirda shu universitetning magistratura yo'nalishi talabasi.

– O'quvchilik davrim juda qiziqarli o'tgan. Dastlab Farg'ona viloyati, O'zbekiston tumani, O'qchi qishlog'idagi 58-umumta'lim maktabida boshlang'ich sinfda o'qiganman. 1-sinf-dan sinf sardori bo'lganman, 4-sinf-dan esa Yaypan shah-



g'ondi. Shu kunga qadar yozgan bir nechta maqolalarim, «Mehr nuri» hamda Fond Forninging iqtidorli talabalar stipendiyati ekanligim ham qo'l keldi. Bu orada Buyuk Britaniyaning London shahriga O'zbekiston elchixonasi tomonidan yozgi amaliyotni o'tash uchun yuborildim. O'zbekistonga kelgach, charchoqlarimga qaramay, yozgi ta'limni bir chetga surib, Prezident stipendiyasiga sazovor

bo'lish uchun qattiq tayyorlandim... Ushbu stipendiyani qo'lga kiritgan kunim hayotimdagi eng quvonchli kunlardan biriga aylanib qoldi. Shuning barobarida mukofot zimmamga juda katta mas'uliyatni yukladi. Ota-onam, do'stlarim, ustozlarimning mendan umidlari katta, degan fikr hanuz menga yangi kuch bag'ishlab kelmoqda...

Gulyuz BAHODIR qizi
yozib oldi



havasim keldi. Ularning chuqur ilm olishlari, kelajakda komil inson bo'lib yetishishlari uchun barcha shart-sharoitlari muhayyo qilingan. Zamon talablari darajasidagi maktablar ular ixtiyorida. Izlanuvchan va puxta bilimga ega ustozlar o'zlarida borini ularga berishga hamisha tayyor turishadi.

Bolajon! Ilm yo'lidagi shaxding sira so'nmasin!

Maktab o'ziga yarasha ajib bir olam. U kundan-kunga sen uchun qiziqarli bo'lib boraveradi. Zerikish nimaligini ham bil-maysan. Ammo zimmangga yuklanayotgan mas'uliyatni ham his qilyapsanmi, bolajon? Sen mamlakat Istiqolining 20 yillik bayrami kunida maktabga bormoqdasan. Bu kun bir umr yodingda qolishi shubhasiz.

Oradan yillar o'tadi. Kuni kelib faxr va iftixor bilan, men Istiqolning 20 yilligi bayramida ilk bor maktabga borganman, deya maroq bilan xotirlaysan. Eslasang, eslaguday, shunday emasmi?!

Yusuf ABDULLAYEV

BEG'UBOR OLAM

Vatan – insonning kindik qoni to'kilgan muqaddas zamin. Dunyoda Vatan va ona bitta bo'ladi, bu so'zlar hech qachon qadrini yo'qotmaydi.

Non doimo aziz, tansiq bo'lganidek, bu so'zlar ham har qancha aytilsa-da, qimmatini pasaymaydi, ikkisi ham dilga jo bo'lgan bebaho durdonadir. Vatanning eng suyuqlik zotga qiyoslab, «ona Vatan» deymiz. Zero, Vatan tuyg'usi ona bag'ri, mehri, allasi orqali farzand qalbiga, ong-u shuuriga jo bo'lgay.

Vatanning ta'rif-tavsifi ham ko'p: ona Vatan, ona zamin, ona yer, ota yurt, ona tuproq, jonajon o'lka, tug'ilgan diyor kabi o'nlab nomlar bilan ataladi u.

Buyuk mutafakkir Abdulla Avloniy: «Har bir kishining tug'ilib o'sgan shahar va mamlakati shul kishining Vatani hisoblanur», deya ta'rif bergan unga.

Vatan shunday beg'ubor olamki, u yaxshi va yomonni ham, quvonch va tashvishlarni ham o'z bag'riga sig'diraveradi.

Mohina MAXSUDOVA,
Respublika musiqa va san'atga
ixtisoslashtirilgan maktab o'quvchisi

TENGDOSHINGMAN, ISTIQLOL!



HAVAS BILAN YASHANG

O'smirlik davrida ham vazminligi, har bir gapini chuqur o'ylab, mulohaza qilib gapirishi, darslarga mas'uliyat bilan yondashishi bois, poytaxtdagi o'zi tahsil olgan 18- hamda 102-maktablardagi tengdoshlari orasida hurmat qozondi. Ingliz tilini puxta o'rganishga bel bog'lagan Shavkatjon maktabda o'tkazilgan fan olimpiadasida 1-o'rinni egallab, bilim dargohi sharafiga munosib himoya qildi.

Sir emaski, kimyo ancha murakkab fan bo'lgani uchun ham ayrim o'quvchilar o'zlashtirishga qiyinalishadi. Bu fanga qiziquvchilarning unchalik ko'p bo'lmisligi ham balki shundandir. Shavkatjonning esa eng sevimli fani kimyo! Bu fanga qiziqishida balki 40 yil maktabda bolalarga aynan shu fandan saboq bergan Azimjon bobosining ta'siri bo'lgandir. Nabirasidagi ishtiyoqni o'z vaqtida payqagan bobosi tushunmay qolgan mavzularni tushuntirib berar, turli kimyoviy tajribalar o'tkazib, qiziqishini yanada oshirishga intilardi.

Odatda barcha bitiruvchilar qarshisida ko'ndalang turtkidan «Kim bo'lsam ekan?» degan savol Shavkatjonni uzoq o'yantirmadi. Maktabni tamomlab, hech ikkilanmay hujjatlarini Toshkent kimyo-texnologiya institutiga topshirdi. Ustozi Nortozi Xo'jamshukurov boshchiligidagi «Suv o'tlarini o'stirishga ixtisoslashtirilgan ishlab chiqarish laboratoriya markazini tashkil qilish» loyihasini tayyorlab, Kichik biznes va xususiy tadbirkorlik yili munosabati bilan «Alqababank» tomonidan o'tkazilgan «Talabalarning eng yaxshi innovatsion loyihasi» tanloviga taqdim etdi.

«Maqsadimiz,» deydi Shavkatjon loyiha haqida kengroq to'xtalib, «O'zbekiston Respublikasi hududida noan'anaviy usulda oziq-ovqat sanoati uchun oqsil, vitamin va fermentga boy qo'shimchalar, antioksidant preparatlar, farmasevtik dori vositalari uchun manbalar (jumladan, saraton kasalligining oldini oluvchi vositalar), o'simliklarni himoya qilish vositalari, o'sishini rivojlantiruvchi manbalar, o'simliklarni turli zararli organizmlar ta'siridan himoyalovchi vositalar, shuningdek, chorvach-

ilikni rivojlantirish maqsadida to'yimli ozuqa yemi qo'shimchalari hamda kimyo sanoati uchun antioksidant preparatlar tayyorlashda o'ta muhim va tannarxi arzon, ekologik toza, raqobatbardosh texnologik liniyani shakllantirish va ishga tushirishdan iborat. Loyihada suv o'tlarining qishloq xo'jaligi, oziq-ovqat sanoati, kimyo sanoati, tibbiyot va farmasevtika sohasida ishlatilishi haqida so'z boradi. Ozuqa yemi qo'shimchalari (oqsil, ferment va vitaminli) ishlab chiqarish borasidagi izlanishlar yakunlanib, yaxshi natijalarga erishildi.

Mazkur loyiha doirasida rejalashtirilgan ishlar 2011-yil oxirigacha tugatilib, dastlabki mahsulot 2012-yilning birinchi choragida ishlab chiqariladi. Mahsulotning xususiyatidan kelib chiqib, jumladan, quyidagi natijalar kutilmoqda:

Chorva mollarini oziqlantirishda umumiy og'irligi 25-40 foizga, sut mahsuldorligi 15-20 foizga, parrandalarning umumiy og'irligi 18-20 foizga, tuxumlarning og'irligi 10 foizga, o'simliklarning o'sishini boshqarish orqali hosildorlik 12-14 foizga oshadi.

Bu raqamlarni keltirishimizdan maqsad, Sizlarni Shavkatjon olib borayotgan izlanishlarning mazmun-mohiyati bilan biroz bo'lsa-da, tanishtirishdan iborat.

Uning aytishicha, tabiatda suv o'tlarining yuzlab turlari mavjud ekan. Ushbu loyiha esa ulardan faqat bittasi misolida, ikki xil mahsulot olishni mo'ljallagan holda ishlab chiqilibdi. Endi bir tasavvur qiling-a, Shavkatjon singari iqtidorli yoshlarimiz, olimlarimiz suv o'tlarining boshqa turlari borasida ham ilmiy izlanishlar olib borib, qishloq xo'jaligiga tadbiiq etishsa, iqtisodimiz, qolaversa, yurtimiz rivojiga qanchalar hissa qo'shiladi...

Aziz o'quvchilar, talabalik partasidanoq yurt ravnaqiga hissa qo'shish niyatida izlanayotgan Shavkatjon akangizga havas qilib, Sizning orangizdan ham ko'plab intiluvchan, izlanuvchan yoshlar yetishib chiqishiga aminmiz. Ilm cho'qqilari sari dadil intilayotgan yosh olimimizga esa ulkan yutuqlar tilab qolamiz.

Feruza JALILOVA

VATANIMNING YURAGI

Men yigirma yoshdaman. Bu mening qalbimni ikki karra quvonchga to'ldiradi. Zero, bunday baxtiga muayassar tengdoshlarim qatorida bo'lish menga cheksiz g'urur va iftixor bag'ishlaydi.

Hozirda respublika miqyosida o'tkazilayotgan turli ko'rik-tanlovlarda ishtirok etib kelyapman. «Kamolot» yoshlar ijtimoiy harakati tomonidan o'tkazilayotgan qator tanlovlar, badiiy kechalar g'olibi bo'lish nasib etdi. Bu esa meni adabiyotga, she'riyatga, jurnalistika sohasiga bo'lgan qiziqishimni o'ttirdi.

«Vatanimning yuragi» nomli ilk she'riy to'plamimning nashrdan chiqishi esa meni yanada sevintirdi.

Bugun barcha tengdoshlarimga, bayramingiz muborak bo'lsin, deymen.

Sitora RAHMATOVA,
Surxondaryo viloyati, Denov shahri

ORZU QILSAK YARASHAR...



Shohista Akramova Farg'ona viloyati, Toshloq tumani, Qo'qonlik qishlog'ida 37-umumta'lim maktabini a'lo baholarga tamomlab, ayni paytda hamshiralik kursida tahsil olmoqda.

«Yurtimizda tinchlik hukmron bo'lsa, barcha orzu-niyatlar, albatta, ijobat bo'ladi. Shunday ekan, har qancha orzu qilsak yarashadi. Men kelajakda tibbiyot oliygohiga kirib o'qishni maqsad qilganman,» deydi Shohista ishonch bilan. «Bu yo'lda tinmay o'qib o'rganmoqdaman. Harakatlarim o'z samarasini berishiga aminman.

Muhammadjon MAHMUDOV,
Marg'ilon shahar

RANGLAR BILAN SIRLASHIB

Avvaliga oddiygina chizgilardan boshlagan qizaloq, bora-bora qalam bilan «tillashib, sirlashib» mo'jizalar yaratib boshladi. Mahoratini oshirib, rassomlar sulolasining munosib davomchisiga aylandi. Taniqli rassomlar – buvasi, rahmatli O'zbekiston xalq rassomi Zokir Inog'omov, otasi Zoir Inog'omov, onasi Xursanoy Inog'omovning maslahatlari, yo'l-yo'riqlariga amal qilib, atrofda g'ildiray e'tiborini qozondi.

2008-yil Respublikamizda o'tkazilgan «Mening orzu istaklarim» ko'rik-tanlovda, 2009-yil «Nafosat bo'stonim manim» nomli tanlovda birinchi o'rin sohibasi bo'lib, Diplom bilan taqdirlandi.

2010-yil Toshkent Madaniyat kollejida tahsil olgan vaqtlarda tasviriy va amaliy san'at hamda dizayn yo'nalishidagi o'rta maxsus ta'lim muassasalari bitiruvchi ijodkor yoshlarining Respublika ko'rik-tanlovda ishtirok etdi va II darajali Diplomni qo'lga

kiritti. Bu e'tibor Shoistaga ilhom bag'ishladi, yanada ko'proq izlanishga chorladi. Shu sababdan ham u kollejni qizil Diplom bilan tamomladi.

Yaqinda yosh musavvir qizimiz O'zbekiston Badiiy Akademiyasi, O'zbekiston Badiiy Ijodkorlar uyushmasining «Tasviriy san'at haftaligi + 5» tanlovi Diplomi sohibasi bo'ldi.

Shoista o'zining ijodiy ishlarini Turkiya, Koreya, Xitoy, Amerika davlatlarida o'tkazilayotgan tanlovlarga ham taqdim etdi. Garchi u g'oliblik shoh-pasiga ko'tarilmasa-da, ammo bo'lajak rassomning ishlari dunyo yuzini ko'rdi.

Bugun Istiqlol tengdoshi Shoista Inog'omova Kamoliddin Behzod nomli Milliy Rassomchilik va dizayn institutining 2-bosqich talabasi. U bilan suhbatlashganimda, «Mustaqillik biz yoshlarga keng imkoniyatlar eshigini oshdi, ulardan foydalanmaslikning o'zi nodonlikdir!» Bu har birimizning shiorimizga aylanmog'i lozim», dedi. «Men o'z chizgilarimda bolalar olamiga murojaat qilganman, ulardagi beg'uborlik, samimiyligni barcha insonlarda ko'rishni xohlayman», deya qo'shimcha qildi u ijod namunalaridan ko'rsatarkan.

Uning chizgilariga nazar tashlayman, hayratimni yashirishga urinsam-da, tilim oshkor qilib, asta pichirlaydi: Barmoqlarning sehri bor, deyishgani rost ekan. Chindan ham barmoqlar mo'jizalar yaratishga qodir.

Feruza SOYIBJON qizi



DIYORAXON TALABA BO'LDI

Toshkent ixtisoslashtirilgan xotin-qizlar kolleji bitiruvchisi Diyoraxon Jumanqulova ham Istiqlol tengdoshlaridan. U bilan «Mashhuraxon» o'quv markazida uchrashib qoldik. Markazdagi qaysi to'garakka a'zo bo'lmoqchisiz, degan savolimizga, biroz kulimsirab quyidagicha javob berdi:

«Mazkur o'quv markazining biser tikish kursida saboq olganimda 8-sinfda o'qirdim. Mana, besh yildirki, shu dargohga qatnab, tikish-bichish, pazandachilik, kostyum, shim, badiiy gul, uyg'ur va Yevropa taomlari kabi kurslarda ustozlarim Maqsuda, Said, Matlyuba, Umida opalardan saboq olib kelyapman. Hozirda markaz qoshidagi malaka oshirish kursida mahoratimni oshiryapman...»

Kelajakda o'qituvchi-arxitektori bo'lib, xonalar dizayni bilan shug'ullanish, o'quv markazi ochib, ustozlaridan o'rganganlarini qizlarga o'rgatishni maqsad qilgan Diyoraxon o'tgan yili salmoqli yutuqlarni qo'lga kiritdi. «Zulfiyaxonim» ko'rik-tanlovining viloyat bosqichida g'oliblikni qo'lga kiritib, respublika bosqichiga yo'llanma oldi.

Ayni kunlarda Mustaqilligimizning 20 yilligiga bag'ishlab markazda tashkil qilinadigan ko'rgazmada adras va atlasdan tikilgan milliy va zamonaviy liboslari to'plami bilan qatnashishga jiddiy hozirlik ko'ryapti.

O'g'il-qizga bilim, hunar o'rgatish kerak, toki bu hunarlar bilan fe'l-atvori go'zal bo'lsin!

Darhaqiqat, qiz bolaga qirg' hunar ham oz, degan naqlga amal qilib, bir necha hunarning boshini tutishga intilayotgan Diyoraxon bilan ikki og'iz suhbatlashsangiz, uning nafaqat surati, balki siyrati ham, fe'l-atvori ham go'zal ekanligiga amin bo'lasiz.

Darvoqe, bu tirishqoq qizimizni tabriklashingiz mumkin: u Guliston Davlat universiteti talabasi bo'libdi! Biz nima ham derdik, Diyoraxon, bilim va hunarning jilovini mahkam tuting, deya niyat bildiramiz.

ZAMONBEKA



ODIMLARI SHAXDAM QIZ

Farg'ona viloyatining Toshloq tumanidagi Birlik qishlog'ida tavallud topgan Muhayyo Mirzaaliyevaga ko'pchilik tengdoshlari havas qilishadi. Boisi, u ham Istiqlolga tengdosh yoshlarimizdan. Qishloqdagi 15-umumta'lim maktabini a'lo baholarga bitirgan Muhayyo ayni paytda kompyuter savodxonligini oshirmoqda.

«Mustaqillik, hurlik, istiqlol so'zlarini eshitganimizda, ko'ksimiz faxr-iftixor tuyg'ulari bilan to'ldi,» deydi Muhayyo hayajon bilan. «Yurtda tinchlik hukmron bo'lsa, barcha orzu-umidlari, albatta, ro'yobini topadi. Shu boisdan Vatanni asrashimiz, e'zozlashimiz lozim. O'zbekiston va Istiqlol! Ikkiisi ham biz uchun aziz. Men shu yurtda tug'ildim. Bu mening baxtim! Demak, men shu yurt uchun, uning ravnaqi uchun xizmat qilishim darkor. Men kelajakda Toshkent axborot texnologiyalari universitetining Farg'ona filialiga o'qishga kirishni maqsad qilganman. Orzuimni amalga oshirish uchun hozirdanoq harakat qilayapman...»

Odamlari shaxdam, nigohlari o'ktam yoshlarimizdan biri Muhayyoxonning ko'zlagan maqsadlariga yetishiga tilakdoshmiz.

Bolalarning sevimli shoirasi Kavsar TURDIYEVA ham istiqloldan ilhomlanib, qalam tebratayotgan ijodkorlardan biri. Uning ko'plab she'rlarini «Tomosha» bolalar folklor guruhi qo'shiq qilib ijro etgan. Quyida ulardan ayrimlarini e'tiboringizga havola etmoqdamiz.



MARD O'G'LOMLAR BO'LAMIZ

Tog'ni baland demangizlar,
Istasangiz chiqasiz.
Raqiblarni kuchli demang,
G'ayrat qiling, yengasiz.
Mard bo'linglar, botir bo'ling,
Shu otangiz tilagi!
Ezgu ishga qodir bo'ling,
Yigitga shu keragi.

– Ha, dadajon, qo'rqmaymiz biz,
Mard va polvon bo'lamiz.

Ishonchingiz oqlash uchun,
Kuch-qudratga to'lamiz.

Naqorat:

Ha, albatta, ezgu niyat,
Zo'r insonlar bo'lamiz.
El-yurtimiz orzu qilgan
Mard o'g'lonlar bo'lamiz.

Sher bolasi ovni yengar,
El bolasi yovlarni.
Yo'llarida uchrab o'tgan,
Barcha to'siq, g'ovlarni.
Chiniqinglar, mashq qilinglar,
Mardning ishi mehnatda.
Xalqni e'zoz qilgan inson,
O'zi bo'lar izzatda.

– Ha, dadajon, elimizga
Sodiq o'g'lon bo'lamiz!
Chiniqamiz, mashq qilamiz,
Mard-u maydon bo'lamiz!
Naqorat:

BU BIZNING O'ZBEKISTON!

– Qaysi yerning onlari
Kiritadi jonlarni?
– Minorlari baland,
Bu sayqal Samarqand!

– Qayerning zardo'zlari
Shirin-shakar so'zlari?
– Mashhurdir dunyo aro,
Budir qadim Buxoro!

– Ayting, qaysi navolar
Dilingizdan joy olar?
– Javobi juda oddiy,
Albatta, oltin vodiy!

– Alpomishning yeri u,
Changovuzning eli u.
Tog'lari qalqon go'yo
– Albatta, Surxondaryo.

Naqorat:
Yalo-yalo, yalola
Yangrar sho'x navolar
Barisi go'zal bo'ston
Bu bizning O'zbekiston,
Bu bizning O'zbekiston!

– Qaysi yerning lazgisi
Mo'jizaning naq o'zi?



– Bu el juda ham azim,
Hamma bilar Xorazm.

– Qaysi yerda kulollar,
Guldan naqshlar solar?
– Shahrisabz – yashil dunyo-
Bilamiz – Qashqadaryo.

– Bermasangiz ham savol
Bilamiz, bir o'lka bor.
Dostonlarning eli bu-
Qoraqalpog' yeri bu.

Mehmondo'st, saxiy eli
Egilmaz mag'rur dili
Toshkent – gul shahar,
Toshkent – nur shahar.
Naqorat:

Aqlingni ishga sol



– Dada, men bo'lsam katta,
Niyat qildim, albatta,
Oq bulutdan ot qilib,
Qog'ozdan qanot qilib,
Osmonda uchmoqchiman,
So'ngra o'tib quyoshga,
Olov ufurib tongga
Ismimni yozmoqchiman,
Nur konin kezmogchiman.
Uyga qaytar chog'imda,
Yulduzlar quchmoqchiman,
Guldek ochilib kelsa,
Mehnatimni el bilsa,
Nima deysiz, Siz, ayting?
Menga biror so'z ayting?
– Nima dey? – dedim, – bolam,
Sening qo'lingda olam,
Doim a'lo o'qisang,
Fan sirin puxta bilsang,
Niyatingga yetasan,
Ko'kni ham zabt etasan.
Hozir puxta bilim ol,
Bor aqlingni ishga sol!

Ibrohim DONISH,
Jizzax viloyati

SENI SHUNDAY SEVAMAN!

Boshing uzra ketmas humolaring bor,
Chamanlarga qiyos gul-bog'laring bor,
Har qarich tuprog'i muqaddas diyor –
Senga fido bo'lsin bu jonim, tanim,
Jannatlarga qiyos, ozod Vatanim!

Quyoshi balqigan tonggi saharan,
Muqaddas makonsan, bag'ri bahorsan,
Samodek musaffo iliq nahorsan –
Duogo'y volidam o'zingsan manim,
Mustahkam qo'rg'onim, obod Vatanim!



SHOIR ATAMA!

Parcha yeringga fido,
Etolmasam jon-u tan.
Dovyurak deb o'g'lonim –
Botir atama, Vatan!

Ko'tarmasam ko'klarga,
Nomingni ham chin dildan.
Bolan meni har ishga,
Qodir atama, Vatan!

O'g'ling bo'lib ko'ksingni,
Qilolmasam gul maskan.
Doim ezgu ishlarga,
Doir atama, Vatan!

Qiyosingni topmadim,
Bunday Vatan yo'q ekan.
Sha'ningga she'r bitimasam,
Shoir atama, Vatan!

Baxtiyor NASRIDINOV,
Qashqadaryo viloyati, Kitob tumani

Buyuksan, buyuklar ulg'aytgan o'zing,
Halollik, poklikka o'rgatgan o'zing,
Bunchalar totlidir bergan non, tuzing –
Nomi doston bo'lgan hur o'lkam manim,
Yeti iqlim ichra tengsiz, Vatanim!

Yuksalding, ko'klarga yetdi bo'yaring,
Baralla yangragay hurlik kuylaring,
Bugun nishonlaymiz qutlug' to'yaring,
Gullagan gul-bog'im, go'zal chamanim,
Ifori yoqimli, xushro'y Vatanim!

Umida UMRZOQOVA,
O'zDJTU qoshidagi 1-sonli akademik
litseyning 2-bosqich talabasi

YIGIT YOSHING MUBORAK!



Yurtlar, ellar aro nomi ulug' el,
Yerga ekan bug'doy, noni ulug' el,
Ofiob nurlaridan nurlangan chaman –
Bu bizning Vatandir, bu bizning Vatan!

Chamandek gullagay tinchlik bog'imiz,
Yurtboshimiz bizning suyanch tog'imiz,
Jannat qayda desalar, mag'rur aytaman:
Bu bizning Vatandir, bu bizning chaman!

Yeriga cho'p suqsak, bog' bo'lgan diyor,
Bobolarning ruhi bizga doim yor,
Zamini bebaho boyliklarga kon,
Yigit yoshing muborak, hur O'zbekiston!

Mohimoy TOPILOVA,
Toshkent viloyati, Parkent shahridagi
9-umumta'lim maktabi o'quvchisi



MO'JIZA YURT

Gul yuzingga boqsam, quyoshsan,
Nurlaringdan ojiz nigohim.
Beshigim ham yaralgan sendan,
Onajonim allasi Vatan!

Qadring boqiy, ajib sehring bor,
Mo'jiza yurt, ona mehring bor.
Kulgichimda shodon kulging bor,
Yuragimning yallasi Vatan!

Shamolingda sochimni yoyib,
Quchoq ochib ko'zlarim yumsam.
Borim deya, mehringga to'yib,
Bo'yaringni quchsaydim, Vatan!

Vagtga tinchlik teng bo'lsin sherik,
Baxtimizga tinch bo'lsin dunyo.
Yashayapman jisimgda tirik,
Boshim uzra bedorim, Vatan!

Ne'matlaring totli, bebaho.
Bog'laringni sevaman jondan.
Bahorlaring farishta go'yo,
Suyukligim o'zingsan, Vatan!

Kim bilardi yovlarning ko'nglin,
Tuprog'ingga qo'yganda qadam.
Tutgan balkim jallodning yo'lin,
Tariximiz so'ylab ber, Vatan!

Toliqtirsa tashvishlar meni,
Taftim olar pok mehring seni.
Kafingandagan izlasam neni,
Menga tutding bog'bonim, Vatan!
Nafisa RUSTAMOVA,
Surxondaryo viloyati

ISTIQLOL FARZANDLARI FESTIVALI

Bolajonlar! Xabaringiz bor, kuni kecha poytaxtimizda «Kamolot» yoshlar ijtimoiy harakati, Madaniyat va sport ishlari vazirligi, O'zbekiston Fanlar akademiyasi, «Nuro-niy» jamg'armasi, O'zbekiston Musul-monlari idorasi, «O'zbeknavo» estrada birlashmasi, «O'zbekteatr» birlashmasi hamkorligida ilk bor «Istiqlol farzandlari» yoshlar festivali bo'lib o'tdi. Festivalda «Kamolot» yoshlar ijtimoiy harakati yetakchilari va faollari, umumta'lim maktablari, o'rta maxsus kasb-hunar ta'limi muassasalari o'quvchilari hamda oliy o'quv yurti talabalari ishtirok etdilar. Uni o'tkazishdan asosiy maqsad, yoshlarni yurtimizda olib borilayotgan keng ko'lamdagi o'zgarishlar: bunyodkorlik ishlari, yoshlarning bilim olishlari uchun yaratilayotgan shart-sharoitlar bilan tanishtirish, mamlakatimiz ijtimoiy-iqtisodiy, madaniy taraqqiyoti yo'lida o'z hissasini qo'shayotgan intellektual salohiyatli, iqtidorli va faol yoshlarni rag'batlantirish va qo'llab-quvvatlashdan iborat bo'ldi.

Uch kun davom etgan festival ishtirokchilari Mustaqillik maydoniga, «Temuriylar tarixi» muzeyiga, «Shahidlar xotirasi» yodgorlik majmuasi hamda «Qatag'on qurbonlari» muzeyida bo'ldilar. «Nuro-niy» jamg'armasi tomonidan tashkil etilgan «Uch avlod uchrashuvi» da nuroniy otaxonlar hamda O'zbekiston Qahramonlari bilan yurtimizning o'tinishi, buguni va kelajagi haqida qizg'in suhbat o'tkazdilar.



Turin politexnika universiteti talabalarining ta'lim olishlari uchun yaratilgan imkoniyatlar bilan tanishdilar.

Shuningdek, Hazrati Imom majmuasi ziyorati, o'zbek milliy drama teatrlarining taniqli aktyorlari bilan uchrashuv hamda spektakl namoyishi ham yoshlarda katta taassurot qoldirdi.

Muhtasham Turkiston saroyida Vatanimiz obro'si, shon-shuhrati va sharafiga yuksaltirishga hamda uning xalqaro nu-fuzini oshirishga xizmat qilayotgan, yurtimizning ijtimoiy-siyosiy hayotida faol ishtirok etib, namuna ko'rsatayotgan yoshlarni «O'zbekiston belgisi» ko'krak nishoni bilan taqdirlash marosimi bo'lib o'tdi.

Mustaqillik bayrami arafasida «Nihol» mukofoti sovrindori bo'lgan iste'dodli san'atkorlar ishtirokidagi gala-konsert yig'ilganlarga o'zgacha zavq-shavq ulashdi.

Ozoda TURSUNBOYEVA

Bir kuni buvimning katta qutidan jildlari eskirib ketgan kitoblarni olib o'qiyotganlarini ko'rib qoldim. Ulardan birini varaqlasam, arab alifbosida yozilgan ekan.

– Bu kitoblarni qanday o'qiydiz, tushunarsiz-ku? – so'radim kitobni ko'zdan kechirib. Buvijonim bu kitoblarning tarixi uzoq-larga borib taqalishini so'zlab berdilar...

UYINGIZDA KITOBLAR KO'PMI?

Buvim biz tengi paytlarida, kitob topib o'qish amrimahol bo'lgan ekan. Ko'pchilikning savodi bo'lmaganligi uchun qo'shnilar yig'ilishib, buvim-larnikida kitobxonlik qilishgan ekan. U davrda uyda kitob saqlaganlarni «Vatan xoini» deya sotqinga chiqarib, oilasi bilan yo'q qilishar ekan. Shunday kunlarning birida jajjigina qizaloq bo'lgan buvimdan bir notanish odam: «Uyingizda kitoblar ko'pmi, kechalari ko'p kitob o'qiydiz-larmi?» deb so'rabdi. Shunda katta bobomning: «Qizim, notanish odamlar kitoblar haqida so'rashsa, men hech narsa bilmayman, deb javob bergin», deya tayinlaganlari eslariga tushibdi.

– Men hech narsa bilmayman, – deya

31-Avgust – Qatag'on qurbonlarini yod etish kuni

dugonalarining yoniga yugurib ketibdilar buvim.

Xullas, o'sha kuni kechasi buvim-larnikiga «kutilmagan mehmonlar» tashrif buyurib, hammayoqni ag'dar-to'ntar qilishibdi. Ularning orasida buvimni so'roqqa tutgan kishi ham bor ekan. Uy ichidan ham, tashqaridan ham hech narsa topa olishmasa-da, katta bobomni o'sha paytlarda el orasida «Qora qarg'a» deya xunuk nom chiqargan mashinada olib ketishibdi. Ammo bobomdan hech qanday ayb topa olmay, 3 oydan so'ng chiqarib yuborishgan ekan. Bu orada hovlidagi tok-larning tagini, tomorqaga ekilgan sabzavotlarni ham kovlab tashlashibdi. Ammo

kitoblar allaqachon ishonchli qo'llarga topshirilgan ekan.

Shu tariqa ko'pgina kitoblar saqlab qolinibdi. Bu kitoblar garchi sarg'ayib, sahifalari ilvirab turgan bo'lsa-da, buvijonim ularni ko'zlariga surtib, otajonimning barmoqlari tekkan, deya e'zozlaydilar.

Buvijonimning kitoblarni bu qadar e'zozlashlarini ko'rib, men ham kitob javonimdagi kitoblarni olib, changlarini artib, javonga qayta taxladim.

Odina SAHOBIDDIN qizi,
Yunusobod tumanidagi
96-maktabning
5-sinf o'quvchisi

Mustaqilligimiz Andijon ixtisoslashtirilgan futbol maktab-internati o'quvchilari kutilmagan sovg'a tayyorladilar. «Paxtakor» 55 yoshda yubiley turnirida ular faxrli 3-o'rinni band etib, g'oliblar safidan joy oldilar. Bu g'alabadan poytaxtga dovon oshib kelgan andijonlik bolalar va murabbiylarining ko'ngli tog'lar kabi yuksaldi.

Bugun O'zbekiston futbol tarixida alohida o'rin tutadigan jamoa sanalgan «Paxtakor»ning tashkil topganiga, aniqrog'i, birinchi rasmiy uchrashuvini o'tkazganiga roppa-rosa 55 yil to'ldi. Shu munosabat bilan yurtimizda faoliyat yuritayotgan bolalar futbol maktablari o'rtasida musobaqalar tashkillashtirildi. Ularda «Paxtakor», «Bunyodkor», Andijon ixtisoslashtirilgan futbol maktab-internati o'quvchilari, Navoiyning «Zarafshon» bolalar futbol klubi hamda Almatining «Sesna» bolalar futbol jamoasi ishtirok etdi.

ROZK va Chilonzor maydo-nida bo'lib o'tgan bahslar salkam

bir hafta davom etdi. Yarim final va final bellashuvlarida «Paxtakor» hamda Zarafshonning «Progress BO'SM» jamoalari maydonga tushdi. Chiroyli va ishonchli harakat qilgan bolalar o'yinlarini ko'rib, o'zbek futbolining ertasi

maktabda boshlagandim. Endilik-da «Uzdongju» bolalar jamoasi a'zosiman. Murabbiyimiz Lut-fulla aka Majidov bizga, avvalo, maydonda birlashishni, to'pni bir-birimizdan qizg'anmaslikni o'r-gatadilar. G'alabaga biz shunday erishamiz.

– Muhammad Yusuf, sen maydonda jamoani juda chiroyli boshqarding. Bu usulni kimdan o'rganganсан?

– Murabbiy ko'rsatmasiga amal qilaman. Jamoadoshlarim bilan maqsadimiz – chiroyli o'yinlarga erishish.

Chindan-da, ular shunday o'yin ko'rsatishdi. Beixtiyor andijonliklarni, shashti baland shov-vozlar-ey, deya olqishladik.

Musobaqada finalgacha raqib-larini chiroyli tarzda dog'da qoldirgan jamoalar to'qnashuvida poytaxtlik Lenur Yeremeyevning shogirdlari tengdoshlaridan mahoratliroq ekanliklarini isbotlab, 3:0 hisobida turnirning birinchi o'rini band etishdi.

SHASHTI BALAND SHOVVOZLAR

porloq ekaniga shubha qilmadik.

Mazkur turnir mobaynida andijonlik yosh futbolchilar o'yini ko'pchilikda katta qiziqish uyg'otdi. Bu jamoa safida iste'dodli futbolchilar borligi ko'zga tashlandi.

Muhammad Yusuf ABDUMAJIDOV, «Uzdongju» jamoasi sardori:

– Men dastlabki futbol mash-g'ulotlarini Andijon shahridagi 27-

Turnir yakunida sovrindor jamoalarga medallar va qimmatbaho sovg'alarni taqdim etildi. Shuningdek, har bir ampula bo'yicha eng yaxshilar nomi aniqlandi:

«Eng yaxshi darvozabon» – Sardor Sodiqov («Chilonzor»);

«Eng yaxshi himoyachi» – Muham-madyusuf Abdumajidov («Uzdongju»);

«Eng yaxshi yarim himoyachi» – Doniyor Hoshimov («Paxtakor»);

«Eng yaxshi hujumchi» – Begzod Sattorov («Progress BO'SM»);

«Eng yaxshi futbolchi» – Nurislom To'yshibek («Sesna»).

Qozog'istonlik Nurislomning o'yin usuli barchaga yoqdi. Uning jamoasi turnirning 6-o'rni bilan kifoyalandi.

Xalqaro turnir tufayli bolalar orasidan ko'plab futbol iqtidorlari kashf etildi.



Ma'mura MADRAHIMOVA

E'TIROF

Istiqlolimizning 20 yilligi jamoamiz uchun ham qutlug' keldi. Gazetamizni mazmunan yanada boyitishga salmoqli hissa qo'shayotgan bir necha xodimlarimizning samarali mehnatlari davlatimiz tomonidan munosib taqdirlandi.

8-Mart - Xalqaro xotin-qizlar bayrami munosabati bilan sport bo'limi muharriri Ma'mura Madrahimova nufuzli «Atirgul» tanlovi mukofotiga sazovor bo'lgan bo'lsa, OAV xodimlari bayrami arafasida Bosh muharrir o'rinbosari Feruza Jalilova, maktab hayoti bo'limi muharriri Gulyuz Orifjonova «Xalq ta'limi a'lochisi» nishoniga munosib topildilar.

Eng ulug', eng aziz bayramimiz arafasida yana bir xushxabar qalblarimizni g'ururga to'ldirdi: «Tong yulduzi» gazetasi Bosh muharriri To'liqin Hayitov «O'zbekiston Respublikasida xizmat ko'rsatgan madaniyat xodimi» unvoniga, ma'naviyat bo'limi muharriri Yusuffjon Abdullayev «O'zbekiston respublikasi mustaqilligiga 20 yil» esdalik nishoni bilan taqdirlandilar.

Hamkasblarimizni samimiy qutlagan holda bu mukofotlar Sizga ham muborak bo'lsin deymiz, aziz o'quvchilar. Chunki Sizing beg'ubor olamingiz bizga hamisha ilhom bag'ishlaydi.

TAHRIRIYAT



BIZNIKIDA TO'Y

bu Vatanim tinchligidandir

Men Yulduz Abdug'aniyeva 14 yoshdaman. Oilada uch qiz, bir o'g'ilmiz. Ota-onam Istiqlol bayrami arafasida ukam Kamronbekning to'yini o'tkazishni rejalashtirishdi.

Shu kunlarda men «Mustaqillik madhi bolalar ijodida» ko'rik-tanlovga tayyorgarlik ko'rmoqda edim. Ko'rik-tanlov munosabati bilan Namangan shahriga bordik. Viloyatimiz markazi bo'lmish bu shahar bejiz «Gullar shahri» deb atalmas ekan. Ko'chalarning kengligi, ozodaligi, bir-biridan chiroyli binolar, zamonaviy mashinalar, qator-qator zamon talabiga javob beradigan do'konlar, insonlarning bir-biriga bo'lgan mehr-muhabbati meni juda hayratlantirdi.

Shirin o'y-xayollarga berilib, mahallamizga kirib kelganimizni sezmay

qolibman. Mahallamiz boshida bobomga duch keldim. Ular qo'llarini duoga ochib: «Yurtingma ko'z tegmasin, farzandlari sog'-salomat bo'lsin, unib-o'ssin, bilimdon bo'lsin. Qizim, sening ham martabang bundan-da ulug' bo'lsin», dedilar.

Hovlimizga qadam qo'yar ekanman, «Vatan ostonadan boshlanadi», degan iborani esladim. Uyim, mahallam, tumanim, viloyatim, poytaxtim bular mening Vatanimdir.

Yulduz ABDUG'ANIYEVA,
Namangan viloyati,
Uchqo'rg'on tumanidagi
32-maktab o'quvchisi

G'URURIM BALAND



Vatan! Bu mening g'ururim, ilk bor alla tinglagan belan-chagim, toshloq ko'cham. Dalalarda mehnat qilayotgan ota-onam, qo'limga ilk bor qalam tutqazgan ustozim!

Men shunday jannatmakon diyorning baxtiyor farzandlaridan biriman. Qo'linni qayga uzatsam, yetadi. O'qiymen, o'rganaman desam, imkonlar bisyor. Yurtimiz mustaqilligi bizga bilim va tafakkurimizni mustahkamlash imkonini berdi. Ko'plab tanlovlarda qatnashdim, salohi-

yatimni sinovdan o'tkazdim.

«Tong yulduzi» gazetasida e'lon qilingan «Onajonim tabiat» respublika insholar tanlovidagi yutug'im Yormozor akademik litseyining jurnalistika yo'nalishiga o'qishga kirishimga imtiyoz yaratdi. Bu ham Istiqlol bizga bergan imkoniyat. Fursatdan foydalanib, barcha ustozlarimni, tengdoshlarimni, qolaversa, yurtimizni Mustaqillik bayrami bilan muborakbod etaman!

Sohibjon HATAMOV,
Farg'ona viloyati, Buvayda tumani



ASSALOM, MAKTAB!

Zarbdor tumanidagi 1-ixtisoslashtirilgan umumta'lim maktabining 7-«A» sinf o'quvchisi Furqat Sariqulov a'lochi o'quvchilar safida peshqadamlikni qo'ldan bermay kelmoqda. Fizika faniga qiziqishi kuchli bo'lgani uchun ustoz Muhabbat Abdusalomovning e'tiborini qozondi. Sanjar Xolboyev, Shohruh O'ralov kabi fizikani yaxshi tushunmaydigan sinfdoshlariga yordamlashib, ularning ham yaxshi o'zlashtirishlariga erishmoqda.

Yangi o'quv yilida Furqatga o'qishlarida muvaffaqiyatlar tilab qolamiz.

Sa'dulla QOZOQOV,
Jizzax viloyati, Zarbdor tumani

«O'ZBEKISTON»
AYLANMA KROSSVORDI

Aziz muxlis! Quyida ta'riflari bayon etilgan ona Vatanimiz mustaqilligi yillariga xos bo'lgan muhim sanalarni topib, shaklning harfli xonasi atrofiga soat mili yo'nalishida raqamlar bilan yozish orqali bilimingizni sinab ko'ring.

O' Qadrdon gazetamiz «Tong yulduzi» nomi bilan nashr etila boshlangan yil.

Z Muhammadqodir Abdullayev boks bo'yicha XXVII yozgi Olimpiada o'yinlari chempioni bo'lgan sana.

B Futbolchilarimiz ilk marotaba o'n yetti yoshgacha bo'lgan o'smirlar o'rtasidagi jahon chempionatida muvaffaqiyatli ishtirok etgan yil.

E «Vatan himoyachilari kuni» bayrami ilk marotaba nishonlangan yil.

K Termiz shahrida «Alpomish» qahramonlik

dostonining 1000 yilligiga bag'ishlangan bayram tantanalari bo'lib o'tgan yil.

I O'zbekiston Respublikasining «Kamolot» jamg'armasi ta'asis etilgan yil.


S Toshkent davlat universitetiga Mirzo Ulug'bek nomi berilgan sana.

T Andijonda buyuk sarkarda va shoir Zahiriddin Muhammad Bobur taval-ludining 510 yilligi nishonlangan va unga haykal o'rnatilgan yil.

O' Nukus shahrining 70 yilligi nishonlangan va shahar O'zbekiston Respublikasining «Do'stlik» ordeni bilan mukofotlangan yil.

N Vatanimizda «Qishloq taraqqiyoti va farovonligi yili» deb e'lon qilingan yil.

Tuzuvchi: Foziljon O'RIPOV



Gazetaning navbatdagi soni 12-sentabrda chiqadi.



Muassislar:

O'zbekiston Matbuot va axborot agentligi.

O'zbekiston Respublikasi Xalq ta'limi vazirligi.

«KAMOLOT» yoshlar ijtimoiy harakati Markaziy Kengashi.

«SOG'LOM AVLOD UCHUN» hukumata

qarashli bo'lmagan Xalqaro xayriya jamg'armasi.

BOSH MUHARRIR:
To'liqin HAYITOV

Dizaynerlar:
Fazliddin SHOYODGOROV,
Olovuddin O'RIPOV
Navbatchilar:
Axtamqul KARIMOV,
Yusuf ABDULLAYEV

Gazeta
O'zbekiston
Matbuot va
axborot
agentligida
0208-raqam
bilan 2007-yil
2-fevralda
ro'yxatdan
o'tgan.

TAHRIR HAY'ATI:
Svetlana INOMOVA,
Odina JAMOLDINOVA,
Jahongir MUSAYEV,
Jabbor RAZZOQOV,
Murtazo SULTONOV,
Feruza JALILOVA
(Bosh muharrir o'rinbosari),
Feruza ADILOVA
(mas'ul kotib),
Dilmurod RAHMATILAYEV,
Dilshoda DADAJONOVA

Manzirimiz:

Toshkent shahri,
Navoiy ko'chasi, 30-uy.
Indeks: 100129.
Obuna indeksi: 198.
e-mail: tong1924@bk.ru
www.tongyulduzi.uz
Tel: 244-27-25, 244-63-08
Tel./faks:
(99871) 244-38-10

«O'zbekiston»
NMIUda chop etildi.
Tahririyatga kelgan barcha
qo'lyozmalar tahrir qilinadi,
mualliflarga qaytarilmaydi.
Haftaning dushanba kuni
chiqadi. Shakli A-3,
2 bosma taboq.
ISSN 2010-6092
Adadi - 31634
Buyurtma N: J 2579